

## 1121

Na osnovu člana 90. stav 10. Zakona o socijalnoj zaštiti, zaštiti civilnih žrtava rata i zaštiti porodice sa djecom – prečišćeni tekst („Službene novine Tuzlanskog kantona“, br. 5/12, 7/14, 11/15, 13/16, 4/18, 12/20, 22/21, 5/22, 8/22, 10/22, 14/22, 19/22 i 12/23) ministar za rad, socijalnu politiku i povratak u Vladi Tuzlanskog kantona donosi

**PRAVILNIK**

**o izmjenama Pravilnika o načinu, postupku i rokovima za ostvarivanje prava na naknadu umjesto plaće ženi-majci, odnosno ocu djeteta ili usvojitelju ili staratelju u radnom odnosu za vrijeme dok odsustvuje s posla radi trudnoće, porođaja, odnosno njege djeteta i načinu obračuna, isplate i povrata naknade umjesto plaće**

**Član 1.**

U Pravilniku o načinu, postupku i rokovima za ostvarivanje prava na naknadu umjesto plaće ženi-majci, odnosno ocu djeteta ili usvojitelju ili staratelju u radnom odnosu za vrijeme dok odsustvuje s posla radi trudnoće, porođaja, odnosno njege djeteta i načinu obračuna, isplate i povrata naknade umjesto plaće („Službene novine Tuzlanskog kantona“, br. 13/11, 14/12, 8/14 i 1/16), član 20. mijenja se i glasi:

„Uz zahtjev za povrat isplaćenog iznosa naknade plaće koji poslodavac podnosi Ministarstvu, prilaže se sljedeća dokumentacija:

– rješenje mjesno nadležnog centra za socijalni rad o priznavanju prava i utvrđivanju iznosa naknade plaće korisniku prava,

– izvještaji o privremenoj spriječenosti za rad (doznake) ovlaštenog ljekara o potrebi odsustvovanja sa rada korisnika prava za mjesec (dane) za koje je izvršena isplata naknade plaće, za korisnike prava iz člana 2. stav 1. tačke 1, 2. i 3. ovog pravilnika,

– mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak (obrazac MIP-1023)“.

**Član 2.**

Ovaj pravilnik stupa na snagu narednog dana od dana objavljivanja u „Službenim novinama Tuzlanskog kantona“.

Bosna i Hercegovina  
-Federacija Bosne i Hercegovine-  
TUZLANSKI KANTON  
Ministarstvo za rad, socijalnu  
politiku i povratak

MINISTAR  
Fadil Alić, v.r.

Broj: 09/1-02-30608/23  
Tuzla, 20.11.2023. godine

## 1122

Na osnovu člana 70. Zakona o pravima, obavezama i odgovornostima pacijenata („Službene novine Federacije BiH“, broj: 40/10) i člana 6. Pravilnika o zdravstvenom savjetu Ministarstva zdravstva Tuzlanskog kantona („Službene novine Tuzlanskog kantona“, br. 17/22 i 12/23), Ministarstvo zdravstva Tuzlanskog kantona objavljuje

**JAVNI POZIV**

**za izbor i imenovanje Zdravstvenog savjeta  
Ministarstva zdravstva Tuzlanskog kantona**

**I.**

Zdravstveni savjet je savjetodavno tijelo Ministarstva zdravstva Tuzlanskog kantona koje prati provođenje ostvarivanja i unapređenja prava pacijenata, a u okviru prava i obaveza za područje Tuzlanskog kantona.

**II.**

Zdravstveni savjet obavlja sljedeće poslove:

- prati provođenje ostvarivanja prava pacijenata saglasno Zakonu o pravima, obavezama i odgovornostima pacijenata,
- prati provođenje obrazovnih aktivnosti u vezi sa pravima pacijenata,
- raspravlja o izvještajima zdravstvenih savjeta jedinica područne lokalne samouprave,
- daje mišljenja, preporuke i prijedloge nadležnim organima o utvrđenom stanju na području djelokruga rada zdravstvenih savjeta jedinica lokalne samouprave,
- predlaže preduzimanje mjera za izgradnju cjelovitog sistema zaštite i unapređenja prava pacijenata u Kantonu odnosno Federaciji,
- daje inicijative za donošenje propisa kojima se unapređuju prava pacijenta, te mišljenje na propise iz ove oblasti koje pripremaju nadležni organi vlasti na svim nivoima,
- saraduje sa organima i organizacijama iz oblasti zaštite i unapređenja prava pacijenata u Federaciji,
- podnosi Kantonalnom ministru zdravstva godišnji izvještaj o svom radu,
- obavještava javnost o povredama prava pacijenata,
- obavlja i druge poslove koje mu dodijeli Kantonalni ministar u skladu sa ovim zakonom i propisima donijetim na osnovu zakona.

**III.**

Zdravstveni savjet ima deset članova, a prijedlog članova za isti dostavljaju kandidati iz redova:

1. Ministarstva zdravstva Tuzlanskog kantona (u daljem tekstu: Ministarstvo zdravstva),
2. Ljekarske komore Tuzlanskog kantona,
3. Komore magistara farmacije Tuzlanskog kantona,
4. Udruženja mladih,
5. Udruženja penzionera,
6. Udruženja za zaštitu prava pacijenata,
7. Stručnih udruženja iz oblasti zdravstva,
8. Sindikata radnika u oblasti zdravstva,
9. Crvenog krsta/križa Tuzlanskog kantona,
10. Strukovnog sindikata doktora medicine stomatologije Tuzlanskog kantona.

Članovi Zdravstvenog savjeta se biraju iz reda istaknutih stručnjaka, sa dokazanim moralnim i etičkim kvalitetima, u oblasti medicinskih, pravnih, ekonomskih, obrazovnih nauka, stručnjaka iz oblasti ljudskih resursa, etike i bioetike.

Prilikom imenovanja Zdravstvenog savjeta poštovat će se princip odražavanja ravnopravne zastupljenosti oba spola.

**IV.**

Zdravstveni savjet imenuje i razrješava ministar zdravstva Tuzlanskog kantona.

Mandat članova zdravstvenog savjeta traje 4 (četiri) godine.

**V.**

Kandidat za člana Zdravstvenog savjeta treba da ispunjava sljedeće uslove:

- da je punoljetni državljanin Bosne i Hercegovine (dokaz: uvjerenje o državljanstvu),
- da ima prebivalište na području Tuzlanskog kantona (dokaz: CIPS),